

**Bosna i Hercegovina  
Federacija Bosne i Hercegovine  
KANTON SARAJEVO  
Ministarstvo unutrašnjih poslova  
Uprava policije**

Broj: 02-14-4-4399

Datum: 29.08.2018.

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16) i člana 70. stav (1) i (3) Zakona o javnim nabavkama („Službeni glasnik BiH”, broj 39/14), policijski komesar Uprave policije Ministarstva unutrašnjih poslova Kantona Sarajevo, d o n o s i:

**O D L U K U**  
**o izboru najpovoljnijeg ponuđača**  
**“Nabavka opreme za vozila i licenci za vršenje terenskih provjera”**

**I**

Na osnovu Odluke, broj 02-14-4-4399, od 12.07.2018. godine i obavještenja o nabavci, broj 16475-1-1-52-3-45/18, od 13.07.2018. godine, proveden je otvoreni postupak za „Nabavku opreme za vozila i licenci za vršenje terenskih provjera (Lot 1 – Mobilna jedinica sa ruterom, Lot 2 – Licence)“.

**II**

Komisija za javnu nabavku stalnih sredstava i materijala za javni red i mir, vojnog materijala i uniforme za policijske službenike Uprave policije Ministarstva unutrašnjih poslova Kantona Sarajevo, imenovana rješenjem, broj 02/5-1-14-4-2143, od 12.04.2018. godine je shodno rezultatima vrednovanja i rang listi prihvatljivih ponuda dala preporuku da se donese Odluka o dodjeli Ugovora ponuđaču “MIBO Komunikacije” doo Sarajevo. Ukupna vrijednost ponude iznosi: za Lot 1 - 104.940,00 KM bez PDV-a, odnosno 122.779,80 KM sa PDV-om; za Lot 2 - 19.845,00 KM bez PDV-a, odnosno 23.218,65 KM sa PDV-om.

**III**

Po okončanju roka za žalbu, ugovorni organ će pozvati izabranog ponuđača radi zaključivanja Ugovora o javnoj nabavci, kojim će se regulisati međusobna prava i obaveze.

**IV**

Ova Odluka stupa na snagu danom donošenja.

## **O b r a z l o ž e n j e**

Na osnovu Odluke, broj 02-14-4-4399, od 12.07.2018. godine i obavještenja o nabavci, broj 16475-1-1-52-3-45/18, od 13.07.2018. godine, proveden je otvoreni postupak za „Nabavku opreme za vozila i licenci za vršenje terenskih provjera (Lot 1 – Mobilna jedinica sa ruterom, Lot 2 – Licence)“. Procijenjena vrijednost nabavke iznosi 125.000,00 KM bez PDV-a (LOT 1 – 105.000,00 KM, LOT 2 – 20.000,00 KM)

Prema Zapisniku sa otvaranja ponuda od 03.08.2018. godine, za aktivno učešće u postupku, dostavljena je ponuda od strane ponuđača: „MIBO Komunikacije“ doo Sarajevo, za Lot 1 i Lot 2.

Komisija je izvršila pregled i ocjenu dostavljenih ponuda, te sačinila Zapisnik o pregledu i ocjeni ponuda, broj 02-14-4-4399, od 08.08.2018. godine, u kome je navela da ponuda ponuđača “MIBO Komunikacije” doo Sarajevo, za Lot 1 i Lot 2, ispunjava sve formalno-pravne, ekonomske i tehničke uslove i zadovoljava zahtjeve ugovornog organa.

S obzirom da je Tenderskom dokumentacijom bilo predviđeno provođenje postupka elektronske aukcije i da je u postupku zaprimljena samo jedna ponuda, nisu se stekli uslovi za provođenje elektronske aukcije u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16).

Shodno prethodno navedenom, u skladu sa utvrđenim kriterijumom najniža cijena ponuda ponuđača “MIBO Komunikacije” doo Sarajevo je ocijenjena kao prihvatljiva, te je Komisija dala preporuku da se dodijeli Ugovor navedenom ponuđaču za Lot 1 i Lot 2.

Cijeneći naprijed navedeno riješeno je kao u dispozitivu.

### **POUKA O PRAVNOM LIJEKU:**

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana prijema obavještenja, a u skladu sa članom. 99. i 101. Zakona o javnim nabavkama.

**POLICIJSKI KOMESAR**  
**Generalni inspektor policije**

**Mevludin Halilović**

### **DOSTAVITI:**

1. Komisiji
2. Ponuđaču
3. Odjeljenju za odnose s javnošću,  
radi objave na web stranici ugov. organa
4. a/a